

中華民國三十年七月

(卷二)

渡迷寶船

陳靜齋題



非賣品

承
印
者

校
對
者

選
正
者

開
封
新
豫
印
刷
所

極 極
聰 幻
子 子

極 極
太 中
子 子

上皇關降民二十五年新正月二十一日晚壇

蒼顏救世日夜忙誰料末劫此一場偃月難劈千嶂疊赤兔空奔淚兩行青史赫赫皆血點紅塵揚揚罪囚
郎莫道此篇無關甚到首均皆曉災殃諸生呀今歲災劫屢屢速宜謹防身心當行孝弟之道莫忘追遠之
忱絕喧嘩之語習修身之規去浮華之氣敦樸素之風一動一靜發自然之儀一進一退練勇力之狀所行
所言不可違理犯分或功或過不可強揜文飾此乃君子修身之道也切切琢磨時加殷勤遵守壇規而倡
善業不但免去輪迴之苦而後必登榮慶之域也唉斯時也鷺鳥紛飛麟兮不遊衆子多加修心以感天心
恩護之今夕衆子同議爲師設出救世之方諸子可呈遞公表也明午衆仙臨時卽轉奏瑤池矣候批准後
卽可消災

權壇師降臨

屢挽世界日夜愁不忍乾坤付東流逍遙自在安然樂攜同仙侶海中遊哈此劫何時了休矣
瑤池駕下劉將軍臨

火輪展開雲茫茫乾坤倒懸悲斷腸頻年乾旱民多苦時加散佈重災殃數萬生靈沉苦海血淚切切報應
彰畜類造就千般孽勞煩神明日夜忙哈今期奉旨降臨壇中訓示諸子也諸生呀不思日月梭快光陰似
箭生作僞而虛應故事仙至期而煩愁越甚訓言昭昭如珍珠之明朗悲心切切若日月之不息師未嚴法
以責懲何敢自欺以瞞神吾以聖賢禮義以闡道衆生何以憚改而忌醫觀生等非君子亦非小人非君子

者無慷慨猛力之心非小人者亦無奸詐非爲之行若此者無大成就無大結果現今歲災劫奇重日動肅殺若不培德何以待之普天壇開千百難化一方之誠九天衆真屢屢冊呈將簿展開善男毫無因是天心震怒頒其瘟將討之神佛施恩以佑善民哈天道報應焉有私耶衆子速其慎之

四君降臨二十四日壇

春風吹來暖光騰民間萬物各崢嶸趁此良緣速修德哈世代滿門百昌隆今期奉命告知一切現衆師各仙佛均在空中拔救萬民矣昨經金母怒容忽降旨一道令飾風部總使速急佈散罡風將其世惡萬民一概除清勿違此令哈因此四師率同諸仙佛均皆叩首泣血而赴瑤池矣各各懇求後萬難照准哈只得駕雲空中各持法寶而遮其風矣衆生呀可畏乎不時玉溪真人卽赴瑤宮請求暫緩一次是否應允後再示知

北斗星君降 二十五日

哈衆佛各仙面通紅這些迷夫苦經營若非玉溪而奉旨今期以何會諸生昨期實乃可畏也玉溪真人至金母座下叩首不起而始得保全生命也但天意震怒無可一刻挽回而成昇平之世哈現時肅殺均起狼烟遍野衆生呀命焉在乎

四君臨

唉日月陰氣却相瞞此次災散民難全吾等亦不苦口勸唉萬靈生滅聽自然但今夕哈乃察人有無惡否

現時又被瘟將佈散污氣卽毒霧也以故有赤風而已幸有我君在此護佑衆生故得免耳停杯不飲問春
來空中惡雲展催開神人一體愁秋日佛光遮着災劫咳此等散災小仙竟敢空中遊玩此仙名爲秦中山
真乃可恨本守壇派童白鶴將伊鎖帶來現在本壇案下刻帶至瑤池吩咐哈哈孫輩小仙竟敢胡爲

濟佛臨二月初一日

薄雲遮日日光陰仙佛空中談今春災劫陸續天宮報何如碧草成佳茵

張桓侯臨二月初三日

凜凜天命闡化功圓睜二目視汚風醒來創作渡迷鼓挺槍疾視奸詐情衆子心歡迎我駕展開酒量血淚
紅衆生呀今期無多要訓但奉 皇兄令旨察閱衆生一番查諸生均尙誠敬奈世事紛亂無可如何耳均

諒

公孫真人臨

青雲步月樂無邊春光明媚照九天人難煉到黃梁夢修正寸心大羅仙

關化師降

世道殘叢化行難人心不古甚胆寒青龍斷開雲萬里丹心費盡血一團雖然未救全生命人事由來總聽
天哈哈冷氣悲無止却則遍地起狼烟今期議定度諸子特爲赤子下九天哈今期我師將壇內規則十條
批示

一曰孝敬父母 二曰恭敬長上 三曰怡睦雁行 四曰和睦鄉黨 五曰壇事作正 六曰慷慨善條
 七曰殷勤道義 八曰實施煉玄 九曰信心莫疑 十曰懷遵勿違

玉溪真人座下陳護使降臨 初七日

午夜江山一宵清 清宵朗朗似珠明 明珠彩結衝牛斗 斗牛宮高對孤松 其二 碧天霞光瑞千條 忽觀衆
 生慶祝高現時 魔風起萬丈 哈但望諸子將凡超

公孫真人臨

哈喜耀背劍海內遊蓬萊 山前觀瀑流今歲四師皆護佑 哈惟免汚風少民愁

正壇師呂降臨 初十日

爲師久未落沙盤 哈勝境堪稱樂 仙園利劍斜披斬烟霧 赤心救世血一團 半日酒醒岳陽醉 滿腔悲痛岩
 間眠蓬島暖飄春信早 祥光搖蕩江湖邊 哈爲師作一索春賦以解衆生之倒懸 哈其韻則何

「無邊光景一時新」 噫嘻嗚呼紫氣來 發揚舒翹以生靜庭動萌蘖 以照荒蘆是時也 雨如膏潤風難透 骨
 歌太和之翔洽 幸寂寞兮盡無哈春爲和氣降及人間 無物不生無處不然人宜趁此良辰 憤發爭前或用
 功以求仙佛或誦讀以希聖賢 三教一體性理爲先 果能體行不倦 自有至樂無邊 獨不聞夫聖賢仙佛乎
 水道德無邊 光哈可怪無緣俗子齊投不明腐儒假士自跨 才能造就孽海之苦行 盡逆天之行 動佛仙之

悲憫觸上帝之怒生虧黃昏之暮鼓昧平旦之晨鐘以此良辰而混過已難逃乎慘景嗟彼人心嘆哉世俗尋君子而罕見恨狂徒而雲集春酒赤子醉春雨行人遲詩家不勝樂農夫深耕犁花飛片片鳥聲唧唧冠者五六童子六七沂水岸上悅乎不一觀罷世態人情若失速回純陽邀我同志尋芳於雲山之陽賞景於水中之沚春光萬里色無限一派錦繡惟此時十二連城有錦文春色悅我更悅人奈天時而難留苦風光而吟呻蠶養成形鷓鴣絕音暫止思春之切切請觀送夏之殷殷有影炎天現彩霓無邊光景一時新諸子呀速速修身煉功要勤日間當體禹寸陶分慎勿虛度光陰光陰虛度又是一春

正壇師降臨

春風韶光遍地和奈得烟波處處拖若有諸子樂善道爲師拔恁到大羅

濟師臨

懷抱草鞋離南屏逍遙自在享華榮總有銀錢拱北斗難買仙佛清氣靈

玉溪真人臨

哈山崩地烈川沸騰日月失光鬼神驚飛燕恐有去刃字臥牛亦無求文生彩鳳魄多腥風起白髮少魂毒霧昇諸子仰面夜觀看兩岸愁雲澈西東諸生詳加參之若參透時即便知其大事若何耳現八方紛紛狼烟各操戈矛哈實乃數也今特與衆生再結緣一番

我位瑤池忝列右相之職現因國事危急民遭塗炭爲儒者不講仁義而滅道德之妙只曉法效蕭曹逞刁

弄凶釋道者不知誦經日講玄妙竟然以此爲恣橫之情事道家者越行越偏因此而天下遍起狼烟我真不忍上方求緩既無批准急叩金面但已准緩又觀衆民作爲也我觀世景敗一敗永不前終不如道居瑤池以享安然咳感化迷子實萬難呼童兒速速備坐輦

玉溪真人降臨十九日

紫宸春信至東郊金鷄初唱夜清宵仰觀寒星拱北斗轉移太陽輾天橋晴波光獻霞萬道幾片彩雲瑞千條借此丹家成三寶渡人每欲脫凡胞

夫三教之中開闢以來相連相需枝同根同其理一也傳法而後相親相愛名異禮異其心一也清靜以化人慈悲而奉天乃釋道之主明顯以治世性德而達天哈明教儒道也然三教之宗師盡以利爲露浥以道爲珍珠也何今之三教敗德者多端失禮者難教哈名在三教之內而實則非也哈略通文義卽誤人以作師頗曉聖賢卽遊世以迷俗或刀筆而害人聖近蕭曹佛多許子獨不思人心卽天地天地卽人心性情乃風雨風雨乃性情愧心則天地不和虧性而風雨不調不但三教失宗而人身墜落孽坑嗚呼悲也吁南無陀佛

權壇華聖降二月二十三日

不貪名利別蓬萊爲撐葉舟樂靡涯遠望佳氣通四海老者安之少者懷

我師今期特來普渡也

哈鸞駕列英羣奉勅醒迷津借此去惡徑引誘入善門凡情恁知否仙家意味深勸之登覺路援生篤殷勤爾竟不勇爲酬事皆虛聞誰能本我志急早而修身他者方無妙倫德皆人身衆生若力進必定赴瑤岑時雖太和象轉瞬孽卽臨若係刼到來以何全家身衆子遵師言煉性速含真

報壇師至 二十六日

現時春到發梅叶天氣交加寒合熱風氣吹動樹木草哈哈如冬霜冰若雪乃刼數之句也不時地中卽有動作也係風眼之故

第九羅漢錢仙降

蓮舟久未臨中原侍坐佛側束性天不問蒼生頻災害那管紅塵起風烟愛靜明心樂大道煉丹和氣養浩然玉清宮內鳳詔下勅令羅漢挽坤乾

哈今期奉令而來與衆子結緣將來勸弟子等同赴金闕爲仙哈我意盼足矣且夫天道之運化而工居其身心而目常存中庸靜而察之滔滔無窮細而彙之蕩蕩靡涯夫天道之大者三才並立聖賢之遺書萬古不磨哈然此道者放之則彌六合捲之則退藏於密故而兩間中虛而物償之萬物中虛而道盈之天地間之準繩也哈今期爲開壇之日但其佛地要得靜肅則可如任其性而有亂哈恐不佳矣又諸子煉玄多有不遵照時刻而坐何也哈以師觀之係刀臨項上卽知時也到此哈卽晚矣

碧衣仙子詩

愛煞嬌紅映水開
小亭白鶴自徘徊
花神怪我衣裳綠
纔籍莓苔穩睡來
今奉諸仙侶
邀遊路出此壇
援筆一敍聊結楮墨之緣

綠野仙詩

淺水潺潺二尺餘
輕舟蕩漾興何如
回望岸上春泥滑
愁煞疲牛簿笨車

鄭仙板橋臨

滿園好景倩筆難描
描節拄杖兩鬢蕭蕭
嘆浮生百歲易過
雖大英豪只落得名利奔馳
隨心所好明知六賊傷人
偏要上這個圈套
倒不如早早回心至誠
皈依道修積陰功
父慈子孝成一番善舉
長生不老一切事都要看破
福本由人所造
要知道午會將至
大劫將到
遍地干戈迭起
一時難消
一席全無
妄語參悟自曉
小住雲脚上壇
提筆聊寫幾句字
義雖是淺薄而意味洵足
玩索諸君勿要隨便過目
以負老夫一段心也
藍仙彩和臨

醒世歌
醒世歌人壽能幾何
年華似水流光陰如擲梭
朝觀桑海曾變田
暮見桑田又生波
古人混混去不返
今人紛紛來更多
哈哈人壽能幾何
哈哈人壽能幾何
偕同諸仙遊遍大千經
此隨假以話諸生也

拐李仙臨

酒酒酒爲吾良友
多不辭一石少不拒五斗
香旣撲鼻甜又適口
飲自不分朝夕醉且不問卯酉
醒時魂

滿腹酣竟一念無有滌慮消愁妙劑全憑酒酒酒酒

我爲諸仙所迫大遊幾千萬里趕上飛沙黃風吹得老李神旣疲倦口又焦乾故折道來此討杯甜酒以濟口渴非是幾難前驅也諸生待我不薄各賜防瘟禦疫丸一粒藉表微敬云

五教宗祖海闊普潤佛余道純陽子降

醒迷歌醒迷歌勸世人須淡泊布衣不破勝羅衣淡飯不斷勝海錯不求名不受辱隨緣隨分隨時俗休管他人是與非繁華場中莫爭逐也學愚也學樸一心直爽無私曲終朝睡到日三竿起來幾碗黃蘗粥吃一碗唱一歌自在逍遙無拘束笑世人空碌碌南北奔馳爭名利爲誰辛苦爲誰蓄夫妻緣兒女慾鏡裏鮮花風裏燭多少烏頭送白頭多少老者爲少哭金滿斗銀滿屋何曾買得無常拘須知到老一場空只有隻身無伴屬柏以棺石以槨此身永向黃泉伏世上從無再活人何必苦苦多勞碌張家田李家屋今日錢家明日陸桑田變海海變田世事如此多反覆功名富貴草上霜惟有修行證仙祿笑呵房嘆金谷古今興廢如棋局我今打破醒迷關迷者欲醒須常讀

時局日變瞬息千端變之愈奇世道愈險變之因變之象均非人之所預料故爲不測之事也夫時局變化之迅速者全係人心之沖動也明矣人心之動機刹那萬變故世事之變亦如是耳世變愈速人心益險誠不必說矣變變之中生生不窮生者何劫也災也災災劫劫不待思意自由人心變機中所產出日深一日由小劫養成大劫小災養成大災以及於不可收拾之勢由一家一鄉一區一縣一省一國以至全世界均

成危卵難救之局迷者作惡仍舊不悛尙且不知悔過自新甘蹈火坑孽海神天雖欲拯救不可得也深爲可駭之事也

余倡救世教務迄今喚醒者固不乏人至於執迷不悟者亦屬不少在現今物質文明之時代人之對神道方面不肯信仰堅定更且注意破壞及誹謗以信道爲迷信以道德爲迂腐殊不思上古神道設教而天下服之謬說往舊今新革舊從新又不思今日之新者卽已往之舊也今日之舊者卽昔日之新也以此守舊爲開倒車而不識伊之車自倒開也浩劫重重何以自挽

我勸諸生亦知爲善之一字詢爲中流砥柱也今晚抽暇到此扯東拉西說一個亂墜天花可是不外行善之一門耳諸弟子能夠以余勸導諸言語爲守身慎行此地卽蓬瀛立志前趨自有佳境勿忽勿忽

白鶴童子 初二日

哈哈雲光飄蕩太空懸惟望羣英返良田紫氣東來風乍暖曉日初晴夜失寒雙睛悲視愚盲客寸中最愛救世船

清風紅子臨

設悅懸弧壽筵開香烟繚繞現蓬萊道兄今日添籌事趕御清風慶祝來今爲道兄白鶴證果佳辰特趕奔此壇致賀便叨諸道友壽醴一杯 帝駕飭我伴駕到此諸君匍伏迎迓慎勿喧嘩以犯壇規 帝師臨名利驅人似火牛誰肯平地把韁收古今多少名利客那個名利直到頭

人生功名富貴刻不可及及於鐘鳴漏盡時一迴思之真如夢幻影泡露滋電光轉瞬而滅大堪猛省坡翁不云乎月明星稀烏鴉南飛此非曹孟德之困於周郎者乎此固一世之雄也而今安在哉讀此賦未嘗不爲之廢書三嘆也白樂天詩有親故歡娛僮僕飽始知官爵爲他人予謂豈惟官爵凡多積不善之財欲爲我者徒爲他人所享已則惟招怨報耳常言說得是禍之所來皆生於利苟不求利禍從何來又曰積財可以備患患亦生於多財與其因患而破財孰若不積財而無禍耶老子曰天下穰穰無利不往天下熙熙無利不來夫人生一世蓋無不役志於此也故天之生財只有此數此得則彼失此盈則彼虧半輪殘月掩塵埃依稀猶有開元字想見青光未破時買盡人間不平事此昔人咏錢詩也夫錢之爲物乃人之所共愛勢所必然骨肉親戚以之構怨公卿士夫以之敗名義夫烈婦以之敗節勞商遠賈以之損命市井交易以之鬥毆年來乍去忽聚忽散貧富條更籠絡一世大抵福人少而禍人多故錢字之形旁有兩戈蓋寓金能殺人之意而人莫之悟也

濟師臨

忽觀各仙別丹墀站立雲頭看端的和尚酒後無奇妙但望切切記指示顛來顛去風狂顛一到人間更惘然脚底踏雲行水面袖中藏月映簾前影隨波動良還靜光逐屏開物自全拈指授君無上法虛無不着萬難言

我本顛狂入世欲以化人顛狂但以這個世界無在不是顛狂樣仔細比我假粧顛更厲害些教我無處化起

唉顛字旁有一真字我的顛實在尙有一半真他人簡直不見真但見僞工夫畢竟高出我上古人造字却有取義顛者終須現出真像來大概他們七顛八倒亦就要弄假成真了唉看他們這套戲法如何結吧

金母尊駕臨初三日

金丹精煉光充凝蓮生異香樂無窮天載日月孝結聚地秉坤道德配成柳葉初放惹人醉桂魂未消伴仙行塵世夢醒三更鼓風吹碧桃花落紅

且夫宣講者化人之良方也道至理以彰善惡講報應以驚人心使英才而知進退化梗頑以明賞罰上培國家之元氣下抑世情之偷薄加之以聖諭因之以賢傳使僞者以返其真剝者易歸於復如此者其任重其意深而其功亦偉矣吁人竟不以宣傳而敦節敢訕勸化爲異端其故何歟斯世也恃何治之哈哈天不言羅網而下定地不言陷阱以暗沉地也而終於陷阱人也而終困迷途其款在何實因宣講之不善有以致之也近見今之宣講有邀譽而爲者有貪祿而然者或奔走或諂媚負聖朝之巨典拒有道之志士愛富貴而作英才悅利口以誇文章噫已之所行者偏而欲人之正也不亦難乎吾勸宣講之士以道德爲重以陰隲爲憑整三綱敦五倫一一實踐事事躬行又何致有疑謗之至恥辱之臨乎宣講者其共思之哈蟠桃會又到諸生妄否

蟠桃會

暮春者春景全現青山碧水不厭觀千峯翠萬花鮮薄言採芹喜氣寫蘭風習習日炎炎文章洋溢中原又

見那蟠桃正熟羣仙朝參朝畢樂會筵三三番語清高彌陀念老教幽雅談妙立文宣魯論多經權道宗
九流含真傳三教神仙滿座天都職司往穿各西佛各洞仙皆有壽禮各懷妙丹你亦獻我亦獻你獻的細
樂金調我獻的花果滿盤旨酒飲後再作妙立有的敲碧玉有的吹翠管弄琴瑟擊箏籃香烟騰光樂音通
天醉後降玉階各備白鶴彩雲紫蓮玉獸金蟾你呼酒童我喚茶男或乘鸞輿刻下悠悠盡空懸衆真皆回
府我卽丹書傳勅令手下衆愛卿護駕將軍速備鸞車乘過翠輦午時中刻降臨英壇以賞諸生誠心之一片
濟師臨

我僧執筆笑嘻嘻迷人只作吾愚癡一見便知玄妙法人間諸事盡曉知

蘇軾大仙臨

壬戌之秋赤壁遊清風明月快行舟長江寫盡空虛態杯酒消磨古今愁造化神機藏不洩我生逸興自長
流莫言蘇子談禪學天地由來一泡漚

菩提尊者臨 從仙行

日中當自昃月盈還復缺大地十萬年亦且受摧折乾坤一循環誰逃滄桑劫悠悠百歲人光陰如駒隙自
問我是誰究亦無從說無常到來時徒向秋風泣何不從仙遊早覓長生訣菩提本無根經翻有貝葉欲煉
黃房丹先了紅塵孽七情須丟刪還要殺六賊心中掃四非勤修爾八德任他機靈巧守我樸實拙世態雖
炎涼我心不冷熱悟後色皆空孽根由此絕三寶精氣神百煉身是鉄採來天台藥深藏納丹穴爐鼎文武

火九轉丹沙結虎伏龍亦降龜藏蛇自屈瑤池三千年蟠桃累結實偶來東方生無緣濫自竊一食返童顏
神清氣芳潔朝臥天邊雲暮踏蓬巔月與天同休咎不生亦不滅修道非難事志向要堅決瑤池蟠桃熟問
誰得先吃我與諸人有夙緣故撥雲降此少談幾句以爲諸人勸道在眼前皆在個人修煉言論至此詳讀
前詞自有領會異日再結緣可也

曹天君降臨

令飭我君下九天設立飛鸞將道傳別地迷子弗可教壇場惟德爲最先我任居左相之職今夕來與衆弟
子結緣一會

訓極中子 智且良兮名且留善行篤孝占鰲頭德能擇吉滿門慶哈平生清閑消慾愁
訓極聰子 以下率行效聖賢慕義誠切貪心捐口鋼心慈見識廣哈樂清雅兮自在仙
訓極和子 哈悅親之事已服勞和睦雁行後人瞧欲得福祿靡涯樂速免亂性稱英豪
訓極利子 謹慎修道煉功夫萬莫久貪塵世途一朝雙修功德重哈崑崙自得仙位圖
訓極德子 天賦元良在人求多爲塵世苦無休存心不善宜規勸哈切莫甘自入下流
訓極幻子 哈作人求道須堅恆煉修功果當自誠一日看破紅塵景安然自在樂蓬嬴
訓極樂子 謹慎日用心要恆煉出黃芽是實功切勿違吾作母命以勤以儉化家風
訓極重子 訓示要遵定心志全憑恆如若實作善還樂汝仙童

訓極純子 忽然觀望極純徒意中却似不踟躕今皆訓爾多煉妙咳切記身後有暗謀
切記勿違由斯暫去之可也後有應驗自知也

四師臨 初六日

哈飭旨傳下令取圖天到斯時戒踟躕若係憑心作主事均可避其災劫爐

跨馬青龍赤兔飛閣堂衆生莫徘徊如遵法令去奸詐滿門俱慶樂開懷

爲人全憑道德桂宮自相迎接文儒風化道德何無滿門福澤

拯救世人施妙功仙丹靈藥能回生昔日刮骨曾療毒劈腦嚇死一奸雄

我等亦不能多訓刻皆赴金闕辦理水火刀兵之災簿也

正壇師呂降 八日

桃蕊鮮豔樹樹紅只恐晚風夜雨驚新趣不在去已久舊思胸懷不時停但願劉郎多栽植謹妨白猿竊供
行今期雖至無多論餘句爲師奏蒼穹三三羣仙瑤池會萬段佳景無能名

訓極派之極中極和 憑心作善志中間切勿疑爲師多訓諭主張要適宜但此乃正師之命我代傳之句
也

濟師臨 十日

來來來滿斟斗酒讓我速喝喝畢作段戒淫歌